

# 近代中国船政

## 大事编年与资料选编

第八册

刘传标 编纂




九州出版社 | 全国百佳图书出版单位

# 近代中国船政

## 大事编年与资料选编

### 第八册

刘传标 编纂



南洋監造快船員生薪水銀

准照支並專案具報摺

奏爲南洋監造快船委員學生薪水懇

恩仍准照支遵照部議專案具報恭摺仰祈

聖鑒事竊臣前將南洋監造委員汪喬年薪水並南

洋加給工程處學生魏瀚等六員薪水支銷數

目附片請

旨飭部立案於光緒十三年四月初一日欽奉

硃批戶部知道欽此欽遵嗣准部議以汪喬年薪水

祇准照金陵監造機器局委員之例月支七十

兩其從前溢支銀兩卽由臣核明數目於嗣後應給該員薪費內扣抵又以魏瀚等六名加數太鉅應令或酌減人數或酌減支數卽行專案奏報各等因抄錄奏稿咨行前來臣查魏瀚等六員薪水支數臣於光緒十一年十二月間會

同督臣楊昌濬遵

旨考覈員紳單內曾經開列學生魏瀚等於月支薪水銀若干兩外又監造南洋快船加給銀五十兩並經部臣核准有案至其人數臣於光緒十一年五月間與左宗棠等聯銜

奏請試造雙機鋼甲摺內亦經聲明以魏瀚鄭清濂吳德章監造船身以陳兆翔李壽田楊廉臣監造船機奉

准在案溯自船政創辦之始製造悉用洋員月薪多者四百兩少者亦不下二百兩誠以其事甚創名家爲難此左宗棠奏定章程內所以有子弟學成監造者卽令作監工其薪水照外國監工發給之語今魏瀚等藝成而上勞勸非常而所給月薪尚不及洋員三分之一卽益以南洋加給亦不及洋員三分之二且旣經核准有案當

此工程喫緊似未便驟與議裁若以人數六員  
恐浮於事抑知製造工程或繪圖式或製輪機  
或定船身或造器械各有專精之藝必合衆技  
而成之六員者分工集事責有攸專實爲船政  
局必不可少之員現在於監造快船外更復趲  
造鋼甲並第六號鐵脅各船工程倍於曩時不  
特無慮人浮而且各有兼人之任是其人數亦  
實在無從覈減合無仰懇

天恩仍准將該學生等加給薪水人數支數

飭部立案照支以示鼓勵至汪喬年駐工監造實與

金陵上海各機器局監造不同查上海機器局專製鎗礮軍火偶一製船係僱募洋員出圖製造其監工之委員不過巡視工作而已若汪喬年由船政前學堂學生出身當其肄業之時半日在堂研習功課半日赴廠習製船機會經七年之久祇以體氣素弱未經出洋然其藝學之專研精殫慮亦爲學生中之翹楚矣光緒元年五月間閩廠開造十七號藝新輪船爲船政學生學成放手自製之始查該船船身圖式爲學生吳德章等所測算而測算船內輪機水缸等

圖則出自汪喬年一人之手經前總理船政沈葆楨

奏明在案迨南洋興造快船左宗棠遂以該學生藝學有成派作委員駐工監造而前船政提調道員呂耀斗亦准照奏定藝學章程第八條學生學成監工薪水照洋監工之例酌劑其中稟由左宗棠核定月給薪水公費銀共一百三十兩該委員自駐工以來實能與工程處各學生互出心裁精求製造其所監造之快船一曰開濟曾駛赴北洋會操二曰鏡清亦經南洋驗收

其第三號寰泰業經下水秋間即可試洋是該委員監造各船確有功効與他局監造委員祇事巡視工作者未便同日而語既准部咨前因臣自應遵照部議將該員薪費自奉到部文之日起月以七十兩開支以期撙節惟從前已支銀兩薪費均屬因公可否仰懇

天恩俯念該委員駐工數載著有微勞其已支者准予飭部立案照支免其扣抵出自逾格

鴻慈臣不勝籲懇悚惶之至除將厯屆奏案鈔錄咨復戶部外所有監造委員學生薪水仍請

飭部立案緣由謹會同南洋大臣兩江總督臣曾國  
荃署福州將軍臣古尼音布閩浙總督兼管福  
建巡撫事臣楊昌濬合詞恭摺由驛四百里馳

陳伏乞

皇太后

皇上聖鑒謹

奏

光緒十三年五月十五日拜發奉

硃批著照所請該部知道欽此

補派後學堂委員改爲留工候差片

再臣於本年三月間奏請將閩廠後學堂監督兩缺添派刑部主事曾福謙候選直隸州知州劉宗駿二員會同管理欽奉

硃批戶部議奏欽此嗣經部議礙難核准各情於閩四月初二日具奏奉

旨依議欽此欽遵恭錄

諭旨抄錄原奏飛咨前來臣查後學堂監督兩缺自梁佟年等撤差後實係難平其人暫派他廠員紳兼攝臣前奏曾經聲明在案中間並無懸曠

多時今部臣以節費爲辭臣亦何敢堅持前見  
計惟仍復派員兼理以期事無貽誤其添派之  
曾福謙劉宗駿二員自應遵照部議於奉到部  
文之日卽行裁撤惟曾福謙精明穩練事事講  
求實際亦復留心洋務劉宗駿由諸生出洋歷  
充英德法各國出使大臣隨員在洋十有二年  
通曉中西語言文字該兩員皆爲有用之才以  
之充當船工差事尤爲相宜容臣仍留工次俟  
有相當缺出再行酌補至該員等已支後學堂  
監督薪銀本應遵照部議追繳惟念該兩員自

委辦以來經理一切尙見勤勞似未便令其移  
腹從事可否仰懇

天恩免其追繳之處出自逾格

鴻慈除咨復戶部外謹會同署福州將軍臣古尼音  
布閩浙總督兼管福建巡撫事臣楊昌濬合詞

附片具陳伏乞

聖鑒訓示謹

奏

同日拜發奉

硃批該部知道欽此

船政奏議彙編卷二十一終

船政奏議彙編卷三十六目錄

裴蔭森十

協造廣東兵輪八號請由船政報銷摺

烈婦陳李氏請

子旌表片

第六號鐵脅兵船下水摺

寰泰快船試洋並陳廠務情形摺

遵議覆奏核減快船保案文職員數摺

奏覆協造廣東兵輪援案開支官欵摺

建修廠所船臺添配各項機器照章聲明立案

片

近代中国船政大事编年与资料选编


第三部分 近代中国船政文献选编

二九一〇

开平矿务局

卷之二十一

金



船政奏議彙編卷三十六

裴蔭森十

協造廣東兵輪八號請由船政報銷摺  
奏爲閩廠協造廣東兵輪大小八號定議協欵統  
由船政報銷籲懇

天恩飭部立案恭摺具陳仰祈

聖鑒事竊查戶部奏定外省報銷章程第十四條內  
開各省設立機器局並閩省船政局總計常年  
經費若干如有添購機器經費若干雖不能限  
以定數亦當立有範圍事前奏明報部立案事  
後方准覈銷等因閩廠前爲南洋製造二千四